



Universitätsbibliothek Paderborn

Acta Ecclesiae Mediolanensis

Decreta Provinciae Mediolanensis Svb B. Carolo Borromeo, Cardinale Archiepiscopo, Diuersis temporibus in sex Concilijs, totidemq[ue] voluminibus edita

Speciano, Cesare

Brixiae, 1603

Prohibitio Ivdiciariæ Astrologiæ Artem exercendi, Incantationes, diuinationes, & sortilegia faciendi, ac libros ...

urn:nbn:de:hbz:466:1-10553

PROHIBITIO IUDICIARIAE ASTROLOGIAE ARTEM
exercendi, Incantationes, diuinationes, & fortologia faciendi, ac libros
de eis legendi, & tenendi, Ordinariorumque, & Inquisitorum
facultas, inobedientes coercendi.

Sixtus Episcopus seruus seruorum Dei. Ad perpetuam rei memoriam.

COELI, & terræ Creator Deus, quem unum Omnipotentem corde credimus ad iustitiam, & ore confitemur ad salutem, et si homini, quem ad imaginem, & similitudinem suam creauit, mentem dederit, quæ non solum diuino fidei lumine illustrata, mysteria illa cognosceret, quæ humanae intelligentiam superant, sed etiam naturæ suæ vi, magno licet cum labore, preclarâ multa inuestigaret, atque intelligeret. Tamen, ut superbū animal homo non altum saperet, sed timeret, & immensam conditoris sui maiestatem, humi stratus veneraretur, sibi soli eorum, quæ eventura sunt, scientiam, & futura rum rerum cognitionem referuit. Solus enim ipse, cuius oculis omnia nuda, & aperta sunt, & ad intimas hominum cogitationes penetrat, & consequentes eorum actiones intuerit, solus ipse, qui vocat ea, quæ non sunt, tanquam ea, quæ sunt, omnia præsentia, & ante oculos posita habet, solus denique omnia, & singula quæcunque totius temporis decursu, & sæculorum ætatibus futura sunt, ab omni æternitate nouit, & admirabiliter prouidentia dispositus, quæ non modò humanæ mentis imbecillitas ignorat, sed nec demones ipsi præsentire possunt. Quare Idolorum in futuris annuntiandis falsitatem, & imbecillitatem, & eorum qui eis cultum adhibebant, vanitatem irridet Spiritus sanctus apud Isaiam illis verbis. Annuntiate quæ ventura sunt in futurum, & sciens, quia Dijs effis vos: & in novo Testamento Christus Dominus discipulorum suorum de futuris eventis paulo cupidius inquirentium, interrogationem gravil la responsione retudit, qua etiam omnium fidelium suorum curiositatem coercuit. Non est vestrum scire tempora, vel momenta, quæ Pater posuit in sua potestate. Nec verò ad futuros eventus, & fortuitos casus prænoscendos (futuris eventibus ex naturalibus causis necessariò, vel frequenter prouenientibus, quæ ad diuinationē non pertinent, dumtaxat exceptis) ullæ sunt vera artes, aut disciplinæ, sed fallaces, & vanæ improborum hominum astutia, & démonum fraudibus introductæ, ex quorum operatione, consilio, vel auxilio omnis diuinatio dimanat, sive quod expresse ad futura manifestanda inuocentur, sive quod ipsi prauitate sua, & odio in geniis humanis, occultè, etiam præter hominis intentionem se ingerant, & intrudat vanis inquisitionibus futurorum, ut mentes hominum pernicioſis vanitatibus, & fallaci contingentium prænunciatione implicantur, & omni impietatis genere depraventur. Quæ quidem ipsis cognita sunt, non diuinitate aliqua, nec vera futurum rerum scientia, sed naturæ subtilioris acumine, & alijs quibusdam modis, quos hominum obtusior intelligentia ignorat. Quamobrem dubitandum non est, in huiusmodi futurorum, contingentium, & fortuitorum eventum inquisitione, & præcognitione, Diaboli operationem se fallaciter immiscere, ut sua fraude, ac dolis, miseros homines à via salutis auertat, & laqueo damnationis inuoluat. Que cum ita sint, nonnulli hec fideliter, & religiosè, ut debent, non attendentes, sed curiosæ, sectantes, grauiter Deum offendunt, errantes ipsis, & alios in errorem mittentes; tales in primis sunt Astrologi olim Mathematici, Genethliatentes, diuinæque dispositionis ordinationem, suo tempore reuelandam præuenire audacissimè latagentes, hominum nativitates, seu genituras, ex motu syderum, & astrorum cursu metuntur, ac iudicant futura, sive etiam præsentia, & præterita occulta, atque ex puerorum ortu, & natali die, sive quavis alia temporum, & momentorum vanissima obseruatione, & notatione, de vniuersciusq; hominis statu, conditione, vitæ cursu, hororibus, diuinitijs, sobole, salute, morte, itineribus, certaminibus, inimicitijs, carceribus,

ceribus, cædibus, varijs discriminibus, alijsq; prosperis, & aduersis casibus, & evenibus præcognoscere, iudicare, & affirmare temerè præsumunt, non sine magno periculo erroris, & infidelitaris; cū S. Augustinus præcipuum Ecclesiæ lumen, eum, qui hæc obseruat, qui attendit, qui credit, qui in domum recipit, qui interrogat, Christianam fidem, & baptismum præuaricasse affirmet, vt illos meritò Apostolus arguat, atq; increpet illis verbis: Dies obseruatis, & menses, & tempora, & annos, timeo vobis forte sine causa laborauerim in vobis. Hi igitur leuissimi, & temerarij homines in miserandam animarum suarum ruinam, graue fidelium scandalum, & Christianæ fidei detrimentum, futuros rerum euentus, & quæcumq; prosperè, vel aduersè obuentura sunt, ac actus humanos; ea deniq; quæ ex libera hominum voluntate proficiuntur, astris, syderibusq; ascribunt, eisq; eam facultatem, vim, seu virtutem, & efficaciam tribuunt significandi futura; & ad præcognita ita inclinandi, vt sic omnino, nec aliter euentura sint, atq; ob eam causam de ipsis rebus omnibus iudicia facere, prognostica, prædictiones, & præcognitiones sibi assumere, & palam venditare nō dubitant; quibus non pauci rudes, & imperiti, alijsq; nimis creduli, & imprudentes tantam fidem præstant, vt ex huiusmodi iudiciorum, & prædictionum præscripto, aliquid certo esse credant, aut sperent, quorum sanè, & mendacium magistrorum temeritas, & infelicium discipulorum credulitas magnopere deploranda est, qui vel diuinis literis admoniti non intelligunt hominis præstantiam, cui Cœli, & Stellaræ, & clarissima Cœli sidera Sol, & Luna, Deo ita disponte, non imperant, sed inseruunt, sic enim Moyses populum Dei, vt hunc errorem caueret, premonebat. Nè forte eleuatis oculis ad Cœlum, videoas Solem, & Lunam & omnia astra Cœli, & errore deceptus adores ea, & colas, quæ creauit Dominus Deus tuus in ministerium cunctis gentibus, qua sub Cœlo sunt. Sed quid sydera mirandum est hominem feruire? nonne nobilissimæ intelligentiæ Angelis ipsi, omnes sunt administratori spiritus, in ministerium missi proprier eos, qui hæreditatem capiunt salutisnam rationales oves, ita diligit Deus, vt non solùm Episcopos, quemadmodum à S. Ambrosio scriptum est, ad tuendum gregem ordinauerit, sed etiam Angelos destinauerit. Preclarè etiam S. Hieronymus: Magna dignitas animarum, vt unaquæque habeat ab ortu nativitatis in custodiam sui Angelum delegatum. Quod si Angeli homines custodiunt, quid aduersus Angelorum custodiam, & tutelam astra moliri, aut efficerre poterunt, quæ cum ipsis Angelis nullo modo sunt comparanda? Nec sanè hoc loco prætereunda est, eximij Ecclesiæ Doctores, & Beatissimi Pontificis Magni Gregorij sententia, qui Priscillianistas hæreticos vnumquemque hominem sub constitutionibus stellarum nasci putantes, magno rerum, & verborum pondere confutat. Absit (inquit) a fidelium cordibus, vt aliquid esse fatum dicant, viram quippe hominum solus hanc conditor, qui ereauit administrat; neque enī propter stellas homo, sed stellæ propter homines factæ sunt, etiā stella fatum hominis esse dicitur, ipsis suis ministerijs subesse homo prohibetur. Utinam insani homines hæc saperent, & intelligerent, ac Dei monitis obtemperarent in Leuitico dicentis. Non declineris ad Magos, nec ab Ariolis aliquid scisitemini, vt polluanti per eos: Neque enim quæ Christiana, & vera pietas repellit, ac damnat, tanto studio inuestigarent, iisdemque misere se decipi, atque irretiri paterentur. Sunt etiam inanes quidam homines, & curiosi, vel impii, & irreligiosi, qui futurum, & occultarum aliarum rerum notitiam adeo anxiè habere student, vt ob ea dem prænoscenda, & inuestiganda in diuinæ legis offensionem multipliciter incurvant. Alij enim Geomantia, Hydromantia, Aeromantia, Pyromantia, Onomatia, Chiromantia, Necromantia, alijsque sortilegijs, & superstitionibus, non sine Dæmonum salrem occulte societate, aut tacita pactione, operam dare, seu illis, ac sortibus illicitis taxillorum, granorum triticeorum, vel fabarum iactu vti non verentur. Alij vero aliquas pristinæ, & antiquitatæ, ac per Crucis victoriam protrectæ Idololatriæ reliquias retinentes, quibusdam augurijs, auspicijs, similibusve

Bee signis,

signis, & vanis obseruationibus ad futurorum diuinationem intendunt. Alij item sunt, qui cum morte fœdus ineunt, & pactum faciunt cum Inferno, qui similiter ad occultorum diuinationem ad inueniendos thesauros, vel ad alia facinora perpetranda; etiam expressa cum Diabolo pactione facta, in manifestam suarum perniciem animarum, nefarias magicæ artis incantationes, instrumenta, & veneficia adhibent circulos, & diabolicos characteres describunt, Dæmones invocant, aut consulunt, ab eis responsa petunt, aut accipiunt: eis preces, & thuris, aut aliarum rerum suffimenta, seu fumicationes, aliave sacrificia offerunt, candelas accendent, aut rebus sacris, vel Sacramentis, aut Sacramentalibus sacrilegè abutuntur: adorationis, genuflexionis, aut quævis alia impietatis obsequia præstant, cultum venerationemque tribuunt, aut annulum, vel speculum, aut parvas phylas sibi fabricant, aut fabricari curant ad Dæmones in eis alligandos, seu includendos, vt putant, ad responsa ab ipsis inde petenda, aut habenda. Alij præterea etiam in corporibus obsecisis, vel lymphaticis, & phanaticis mulieribus Dæmones defuturi, vel occultis rebus, aut factis exquirunt, vt merito ab eis, quos Dominus in Euangeliō tacere imperauit, vanas, mendacesque referant responsiones. Alij quoque præstigatores, frequentius verò mulierculæ quædam superstitionibus deditæ in phylis, seu vasculis, vitreis aqua plenis, vel in speculo accensis candelis, etiam benedictis sub nomine Angeli Sancti, & albi, Diabolum omnium malorum latorem supplices adorantes, vel in vnguibus, aut palma manus, quandoque etiam oleo perunctis eundem omnium fallaciarum architectum orant, vt similiter futura, vel occulta quævis per spectra, & apparentes imagines, seu phantasticas visiones sibi ostendat, aut ab eodem patre mendacijs Diabolo alijs incantationibus, aut varijs superstitionibus obseruationibus, futurorum, & occultorum huiusmodi veritatem querunt, & hominibus prædicere contendunt. Quorum omnium, quos supra enumerauimus consimilis impietas parem exitum habet, nimiruar, quod Dæmonis præstigijs, ac dolis, tum qui diuinant, tum qui diuinationem experunt illusi, ac delusi miserrime reperiuntur. Itaque cum futuros eventus in seipsis considerare, antequam siant, sibi Dei proprium, illud necessariò consequitur, vt Astrologi, & alijs prædicti, qui huiusmodi futura prænuntiare, aut prænoscere quoconque modo, nisi Deo reuelante audent: iniuste atque impudenter, quod Dei est sibi assumant, & usurpent. Sic fit, vt dum ab eis, quod solius est Creatoris perperam creaturis tribuitur, diuina Maiestas grauerter lædatur, fidei integritas violetur, & animabus pretioso Christi sanguine redemptis, pestis, atq; exitium importetur. Et licet iampridem regulis indicis librorum prohibitorum ex decreto Sacri Generalis Trid. Conc. confecti, illud inter cætera constitutum fuerit, vt Episcopi diligenter providerent, ne huiusmodi Astrologiæ iudicariæ libri, tractatus, & indices legerentur, vel haberentur, qui de futuris contingentibus, successibus, fortuitisve casibus, aut ijs actionibus, quæ ab humana voluntate pendent certò aliquid euenturum affirmare audent, permisiss tamen iudicijs, & naturalibus obseruationibus, quæ nauigationis, agriculturæ, sive medicæ artis iuuandæ gratia conscripta fuissent. Libros vero omnes, & scripta Geomantiæ, Hidromantiæ, Chiromantiæ, Necromantiæ, sive in quibus continentur sortilegia, veneficia, auguria, auspicia, incantationes artis magicæ, prouersi rejici, & aboleri curarent. Non tamen errorum, corruptelarum, delictorum, & abusuum prædictorum extirpationi vsq; adeo prouisum est, quin etiam adhuc in nonnullis locis, & apud plurimos curiosus vigeant, cū valde frequenter detectis Diaboli insidiis diuinationum, sortilegorum, & variarum superstitionum omnia plena esse in dies detegantur. Nos igitur, qui pro nostro pastoralis officio munere fidei integritatem inuiolatam conseruare debemus, & animalium salutis prospicere, quantum diuina gratia adiutrice possumus, ex paternæ charitatis visceribus optamus, damnantes, & reprobantes omne genus diuinationum, quæ Diabolo auctore ad fidelium deceptionem prædictis curiosis, vel perditis hominibus fie-

ri solent. Cupientes præterea Sanctam illam Christianæ Religionis simplicitatem, præsertim vbi agitur de summa Creatoris Dei potestate, sapientia, & prouidentia ab omni erroris labo integrum, atque incorruptam, vt par est, retineri: Volentes quoque prædictæ falsæ credulitati, ac huiusmodi illicitarum diuinationum, & superstitionum, detestabili studio, & execrandis flagitijs, atque impuritatibus occurtere, vt de Christiano populo merito dici possit, quod de antiquo Dei populo scriptum est: Non est augurium in Iacob, neque diuinatio in Israel.

Hac perpetuò valitura constitutione, Apostolica auctoritate statuimus, & mandamus, vt tam contra Astrologos, Mathematicos, & alios quoscunque dictè iudicariæ Astrologiæ artem, præterquam circa agriculturam, navigationem, & rem medicam in posterum exercentes, aut facientes iudicia, & nativitates hominum, qui bus de futuris contingentibus successibus, fortuitisque casibus, aut actionibus, ex humana voluntate pendentibus aliquid euenturum affirmare audent, etiam si id se non certò affirmare afferant, aut protestentur, quam contra alios utriusque sexus, qui supradictas damnatas, vanas, fallaces, & perniciose diuinandi artes, sive scientias exercent, profitentur, & docent, aut discunt, quive huiusmodi illicitas diuinationes, sortilegia, superstitiones, veneficia, incantationes, ac præmisla detestanda scelera, & delicta, vt præfertur faciunt, aut in eis se quomodolibet intromittunt, cuiuscumq; dignitatis, gradus, & conditionis existant, tam Episcopi, & Prælati, Superiori, ac alij ordinarij locorum, quam Inquisitores hereticæ prauitatis vbiq; gentium deputati, etiam in plerisque ex his casibus antea non procedebant, aut procedere non valebant diligentius inquirant, & procedant; atque in eos severius Cانونicis pœnis, & alijs eorum animaduertant.

Prohibentes omnes, & singulos libros, opera, & tractatus huiusmodi iudicariæ Astrologiæ, Geomanciæ, Hydromantiæ, Pyromantiæ, Onomantiæ, Chiromantiæ, Necromantiæ, Artis Magicæ, aut in quibus sortilegia, veneficia, auguria, auspicia, execrables incantationes, ac superstitiones continentur, ac vtsupra in memorato indice interdictos sub censuris, & pœnis in eo contentis à quibuscunque Christifidelibus legi, aut quomodolibet retineri; sed illos Episcopis, & ordinariis locorum, vel Inquisitoribus prædictis præsentari, & consignari debere.

Et nihilominus eadem auctoritate statuimus, & mandamus, vt contra scienter legentes, aut retinentes libros, & scripta huiusmodi, seu in quibus talia continentur, similiter iidem Inquisitores liberè, & licetè procedant, ac procedere, & pœnis cognitis punire, & coercere possint.

Non obstantibus constitutionibus, & ordinationibus Apostolicis, cæterisq; contrariis quibuscunque.

Vt autem præsentes nostræ literæ ad communem omnium notitiam facilius deducantur, lubemus illas in Valuis Basilicarum Sancti Iohannis Lateranen, & Principiis Apostolorum de Vrbe, ac in acie Campi Floræ affigi, seu appendi, eis q; detracis ipsarum exempla, etiam impressa eisdem in locis affixa relinqui.

Et insuper vniuersis, & singulis Venerabilibus Fratribus nostris Patriarchis, Primatibus, Archiepiscopis, Episcopis, locorum ordinariis, & Prælati, necnon Inquisitoribus hereticæ prauitatis vbiliter constitutis, per hec committimus, & in virtute sanctæ obedientiæ distictè præcipiendo mandamus, vt per se, vel alium, seu alios easdem præsentes literas, postquam eas receperint, seu earum notitiam habuerint, in suis, & singulis Parochialibus Ecclesiis, dum in eis populi multitudo ad diuina conuenierit, deinde verò semel in anno, & quoties eis expedire videbitur, vulgari sermone publicent, aut publicari faciant.

Quia verò difficile foret præsentes literas ad singula quæque loca, in quibus de eis fides facienda erit deferri. Volumus, vt earum transumptis, etiam impressis, manu Notarii publici subscriptis, ac paruo sigillo Sanctæ Romanæ, & vniuersalis Inquisitionis, aut alicuius Prælati, vel Curie Ecclesiastice munitis, eadē prorsus fides

in iudicio, & extra vbiq; locorum adhibeatur, quæ eisdem originalibus literis adhiberetur, si essent exhibitæ, vel ostensæ. Nulli ergo omnino hominum licet hanc paginam nostrorum statutorum, mandatorum, prohibitionis, iussionis, commissio- nis, & voluntatis infringere, vel ei aulu temerario contraire. Si quis autem hoc at tentare præsumperit, indignationem Omnipotentis Dei, ac Beatorum Petri, & Pauli Apostolorum eius se nouerit incursurum.

Datum Romæ apud Sanctum Petrum, Anno incarnationis. 1585. Nonis Ianu. Pontificatus Nostri Anno primo.

H. Prodat.

Io. Baptista Canobius.

Anno à Natiuitate Domini millesimo quingentesimo octuagesimo sexto. Indi- ctione prima, die verò 9. mensis Ianuarij, Pontificatus Sanctissimi Domini Nostri Sixti diuina prouidentia Papæ V. Anno primo, Retroscriptæ literæ Apostolicæ, affixæ, lectæ, & publicatæ fuerunt in valuis, seu portis S. Iohannis Lateranensis, & Sancti Petri Principis Apostolorū de Urbe, necnon Cancellariae Apostolicæ, & acce- Campi Floræ, & per aliquod temporis spatium dimisæ per nos Io. Freile, & Nico- laum Tagliettum, S. D. N. Papæ Cursores.

Alex. Parabiathus Mag. Culorum.

D E E L E C T I O N I B V S A D R E G I M I N A
Monasteriorum, Præpositurarum, & aliarum digni-
tatum Conuentualium.

Sanctissimus in Christo pater, & Dominus noster Dominus Pius diuina
prudentia Papa Quartus.

AD cuius peruenit notitiam, quod licet alias omnia monasteria viorum, valorem ducentorum florenorum auri communi estimatione excedentia, necnon prioratus, præposituras, ac alias dignitates Conuentuales, & præce- ptorias generales, ordinum quoruncunque, dispositioni suæ generaliter reserua- uerit, ac propterea illorum prouisiones, & ad ea quæ speciali priuilegio eligendi sibi per Sedem Apostolicam concessa suffulta sunt. Canonicae factarum electionum confirmationes, ad Sanctitatem suam, & dictam Sedem pertinere noscantur: nibi personis ad monasteria, prioratus & alias dignitates conuentuales huiusmodi, vel priuilegium eligendi prædictum habeant, vel illo careant, nullo iuris ordine serua- to, nullaque boni, vel æqui ratione habita, temere fieri, factasque per ordinum fu- periores, aut locorum ordinarios de facto confirmari, partim verò nedum pri- quam electiones de se ad monasteria, & alias conuentuales dignitates eligendi pri- uilegio suffulta factæ, ritè conffirmentur: sed ne electi quidem Canonice, le in regi- mine, & administratione tam in spiritualibus, quam temporalibus monasteriorum, aliarumque dignitatium vacantiū eorumdem, ac illo:um bonorum immiscere con- verentur, in animarum luarum periculum, auctoritatis Apostolicæ contemptum, & plurimorum scandalum: Volens tantis qui paulatim in religiosos irreplerent, vībus, & abusibus nimis licentiosis aliquādo, sicut par est, occurtere, suamq; Sedis præfata prærogatiuam afferere, Omnes & singulas electiones quarumvis persona- rum ad regimina monasteriorum, prioratum, præpositurarum, & aliarum digni- tatum conuentualium, ipsarumque electionum confirmationes per quouscunq; cuiusvis status, gradus, ordinis, & conditionis existant, & quamvis etiam Archiepi-

scopalis,